

三才實義天集

三才實義

卷之三目錄

天集

論日月薄蝕為災

論日月合朔交食

日蝕在浮氣中更明

論日月蝕之多寡生光遲速

論日蝕赤色黑色不同之理

論日月食甚食既

三才實義 卷之三

天集

論日月薄蝕爲災

或謂日月交食乃日月行度之常數。適當其會則食。無吉凶災害。可指。非若水旱螽蝗之屬。民害稼也。審如是。則是王安石天變不足畏之說。將古人克謹天戒。奏鼓馳奮。以深儆省者。不幾過與抑知兩儀之間。日月二曜爲大人世之用。水火正位爲大日月爲水。火之精。陰陽之運。陰陽慙伏。水火變常。是爲大災。交食之理。雖雖

江寧後學周于漆萬峯著

度有常推算可得。乃日食於晝。甚至晝晦。見星月蝕於夜。光明盡。奪不可謂非天變也。天以變譴告於人。自宜反躬修省。無敢逸豫。故古人凍之自甘。石以來。各採傳聞。立義垂訓。論所蝕之躔度。以定災患。視所躔之分野。以分疆隅。使先事有顧畏之心。警惕有裨災之道。是以轉禍為福之義也。然而交食之法。歷代雖多。或先時或不及時。分秒多寡之數。未能吻合。黃赤二道。晦朔弦望之理。未極精詳。曆法不明於交食之理。總無確義。又或明其理矣。而測驗之法不精。勾股之義未諳。則亦踈而無當。况月食為天下所同。日食則九土各異。高卑上下。南北淺深。緩析條分。是在知者明辨之。

而又不徒在區々修謹之文也。

論日月合朔交食

每月二十九日零日與月西東之行同度謂之合朔又曰會朔若月行於黃道近交人在下面見為同經同緯是人目所見與日月對直月魄正當日光之中隔其光於人目是為日食蓋日之光為月魄所掩耳然必視交之度数如在黃道內外則與日雖同躔而日亦不食也太陰與太陽相距一百八十度零東西正衡謂之望若正衡時月行近於兩交必入閼虛之內月入閼虛則日光不能射照月在閼虛之內人自下視上見月忽無光是為月食何謂閼

虛○蓋○日○輪○為○火○火○象○內○暗○而○外○明○如○燈○焰○中○之○黑○月○入○於○闇○虛○幾○
分○則○食○之○分○數○幾○分○也○月○漸○離○於○闇○虛○則○光○又○漸○吐○出○皆○闇○虛○之○
故○也○正○當○其○交○處○則○食○各○隨○其○表○裏○淺○深○以○為○食○之○分○數○日○食○當○
月○道○自○外○而○交○入○於○內○則○食○起○於○西○南○復○於○東○北○自○內○而○交○出○於○
外○則○食○起○於○西○北○復○於○東○南○日○在○交○東○則○食○其○內○日○在○交○西○則○食○
其○外○食○既○則○起○於○正○西○復○於○正○東○不○易○之○理○也○若○月○食○則○月○行○自○
外○入○內○食○起○於○東○南○復○於○西○北○自○內○出○外○則○食○起○於○東○北○復○於○西○
南○月○在○交○東○則○食○其○外○月○在○交○西○則○食○其○內○食○既○則○起○於○正○東○復○
於○正○西○不○易○之○理○也○總○之○日○月○及○於○正○交○或○中○交○為○同○度○則○必○食○

乃月食則所見之分数相同。即有參差。不甚相遠。若日食。則普天之下。或有見全食者。有見食之多寡不同者。有全不見食者。又有在南在北。食各不同。時刻亦異者。蓋由人在地上。高低不等。如京城見日全食。則去京城或南或北。一萬餘里。皆有多寡不等之數。或東或西。各見食之多寡。其數亦各不等也。太陽於各方地平之高度不同。赤道向北。不同於赤道向南之地。甚至陰陽限度。以陽為陰。以陰為陽。皆因遠近。以分多寡。故日食又與月食不同也。至於羅喉計都。則天首地尾。今曰。科謂日月食。遇羅喉則淡赤光。遇計都則紫黑光。說似有據。然日月食亦論所食高下之度。如羅

眼計都非有真形亦未可信也

日蝕在浮氣中更明

日初出時百氣弥天晶光四起此火土之氣上騰日光被其掩翳

或成不赤不白不黑之象又日入時夜氣氤氲光影倒映海霧山

嵐空際漾漫或竟夜天字不清此浮氣也如觀星則不可便謂之

星變常色以星體光小為氣掩映故耳至於日食則不論浮氣益

日輪真火雖極精明之目力不敢仰視即側視暗窺光芒四刺觀

體不真少頃視他處則月中尚見有紫綠幻色久之乃清獨是初

出時若有海霧雲絲借掩映之餘而日輪反覺明顯中邊俱現及

升起天中。光愈盛。則視愈不真。若薄雲淡映。則日輪淡白。全體分明。晚照時亦然。正遇日食。則虧圓。分數於浮氣中。反一目了然。此日食不論浮氣之驗也。至於將落之時。真火初沉。光不刺目。且極西遠。下日氣射上。旁震於幽陰。人目所見。益明分秒如鑑。日食值此時。已不似日中光芒。若射更有浮氣。所見愈真矣。惟觀星。則必於天氣清。真之夜。昔人謂秋夜極佳者。氣朗故也。若雲氣不清。則光色不同。非星果有變。浮氣使之然耳。然亦在人之目力何如。夫目有老少之分。精力有盛衰之辨。若目力不真。則小者暗。大者小。存者亡。濶者狹。芒生者似闕。奔者似流。影映者似客。又不可不知。

也。

論日月食之多寡生光遲速

日食由月同度相掩。日在上。月在下。月與日會。則食。其食之時刻。分數多寡不同。何也。蓋月雖小於日。然日高而月低。則小可以掩大。如月。在日與地之間。月近地。而日在遠。則人目所及。在月之周體。日行月亦行。故見食之多。而時刻亦多。甚有食既者。月體全蔽。日也。若月遠於地。而日反近。則人目所及。在月之偏界。日過速。而月行已離。開故見食之少。而時刻亦少。且有不及一分者。此故也。若月食。則闇虛所障。以距度之廣狹。為食分之多寡。蓋去交有遠。

有○近○去○黃○道○中○弦○有○正○有○偏○則○入○闇○虛○中○有○淺○有○深○之○不○同○日○在○
黃○道○中○線○上○行○至○望○夜○若○月○與○日○俱○在○一○直○線○之○上○則○月○入○闇○虛○
中○日○光○不○能○映○月○闇○虛○之○暗○影○全○障○日○光○則○月○食○矣○入○闇○虛○深○則○
月○食○其○全○光○入○闇○虛○淺○則○月○食○其○光○半○必○待○出○影○際○而○後○生○明○其○
或○遲○或○速○皆○由○闇○虛○之○出○有○淺○深○不○一○耳○總○之○日○月○所○行○之○度○皆○
并○於○直○弦○之○上○則○食○不○居○直○弦○則○不○食○率○皆○五○月○一○食○或○六○月○一○
食○歲○常○有○之○但○日○食○於○夜○月○食○於○晝○則○人○不○及○見○故○亦○不○之○論○也○

論月蝕赤色黑色不同之理

月蝕同闇虛所障蝕時則月體之魄現而光虧闇其有或赤或黑

之不同何也。蓋月體實借日光以為光。今蝕在正弦之上。若日光旁映。則月體雖全蝕。而餘光外映。故亦有色。月體實既為闇虛所隔。則太陽全射之光已掩。太陽照其四外。四外所散之光四映。或黃或赤。斜映月體而成赤色。愈遠愈見。以其月在對衡也。其成黑色者何。太陽之光從地旁過。大地有熱濕之氣。此地氣時重時輕。倘輕則光無浮氣所蔽。而映月體為赤色。若重則四映之光不發。月去太陽既遠。正光既蝕。餘光不映。而體質全現。故成黑色。試觀朔後之初月。其魄光顯處係黝黑色。上下弦後深夜視魄尤為深黑。可知黑色者月體之實。則借光全在於日。而赤色亦日氣所旁

及也。

論日月食甚食既

凡日食不言既者以日大於月不能盡掩之或遇食既而日光
四溢形已露邊故日無食十分之理雖既止九分有奇而已如日
食九分八十秒月掩正中四邊皆餘光所照即非既也故推日食
止言食甚不言食既藏經論日輪廣五十一由旬月輪廣五十由
旬所謂由旬不可知而月輪小於日當得百分之九十八理誠然
耳若月食本於闕虛譬之燈烟以此其焰則熾小而烟多闕虛之
影比日大一倍望後交前後距交十三度五分為交限外則不
三才寶義

卷之三

六

一由旬約計地上四十
里之多

食○若○當○限○內○則○食○望○而○距○交○未○遠○在○四○度○三○十○五○分○之○內○其○食○必○
既○餘○八○度○七○十○分○雖○甚○而○不○既○也○夫○食○既○又○云○食○甚○何○也○所○謂○食○
甚○在○初○虧○復○圓○中○間○如○食○不○至○既○此○際○食○分○最○多○從○此○轉○少○矣○故○
日○食○不○言○既○月○食○言○既○又○言○甚○者○蓋○月○至○食○盡○時○名○為○食○既○未○生○
光○之○前○名○為○食○甚○十○分○食○盡○月○體○俱○黑○隱○在○闇○虛○之○內○猶○未○深○入○
闇○虛○之○中○而○闇○虛○倍○於○月○入○其○內○居○於○正○中○兩○傍○各○餘○五○分○并○
前○既○外○十○分○共○十○五○分○故○月○食○有○十○五○分○者○此○故○也○昔○人○謂○月○食○
有○五○限○虧○而○後○既○而○後○甚○而○後○生○光○以○致○復○圓○謂○之○五○限○也○
夫○闇○虛○者○景○也○景○之○蔽○月○無○不○同○之○地○無○四○時○九○服○之○殊○如○懸○一○

黑丸於暗室中其左燃燈其右懸一白丸若燈光為黑丸所蔽則
白丸不受其光人在四旁觀之所見皆同也故日食則人所見有
不同月食則無不同耳知闕虛之理則知日月有食既之不同如
舊說以地影相隔為月食抑思春秋二分若食於卯酉之正則日
月相望其平如衡地猶在下又何能隔日而月為之食哉此理最
明不可不深思也

三才實義

卷之四目錄

天集

論太陽之變

日祥光

日珥冠纓背瑤暈抱等例

論太陽之常

論日食與月食不同

每每朔不常食之理

論日高於月之理

論太陽出入及中天大小遠近之理

附圖

三才實義 卷之四

江寧後學周于漆萬峯著

天集

論太陽之變

日為太陽火之精也。天清地寧。坎離交濟。則日晶明而無翳晦之變。若王者失道。則日光變色而諸祲至矣。故周禮眡十輝之制。皆見於太陽之傍。十輝者。祲象。觚監間。普彌序。隣想是也。何謂祲。祲氣浸淫相侵也。何謂象。因氣以成其形象。何謂觚。形如童子所佩之觚。何謂監。乃雲氣臨於日上。何謂間。則日月食而日或脫光。何

謂○膏○日○無○光○而○膏○昏○暗○何○謂○彌○白○虹○貫○日○而○彌○天○何○謂○序○乃○冠○
珥○重○疊○而○相○向○何○謂○階○暈○虹○而○朝○階○於○西○何○謂○想○思○想○而○似○如○何○
狀○也○登○重○臺○望○雲○物○以○卜○祲○氛○十○輝○之○法○載○於○周○禮○有○變○則○天○子○
素○服○不○舉○盛○饌○修○六○官○之○職○以○敬○厥○事○焉○蓋○日○者○君○象○為○三○光○之○
首○其○行○於○四○時○惟○一○黃○道○歷○萬○古○而○不○變○非○若○月○與○五○星○之○行○度○
歷○黃○道○之○內○外○而○出○入○也○日○輪○居○天○之○中○在○第○四○重○尚○高○於○月○與○
金○水○二○星○之○上○其○日○輪○空○虛○旋○運○原○無○日○生○珥○暈○之○異○但○氣○結○於○
空○中○而○成○雲○日○輪○之○光○下○射○於○雲○中○故○有○冠○纓○珥○暈○之○形○此○冠○纓○
珥○暈○在○於○日○下○映○日○而○成○不○可○謂○非○日○氣○之○所○生○也○至○於○暈○則○日○

光下射。天地陰陽之氣。通結於空際。其日影之散處。覺其中少淡。又以日體之圓。遂結為暈之圓。此暈以勾股之法求之。當是去地三百六十五里零。下於日三萬九千六百三十三里零。其或貫日射日在地。則見為平形。而在上。則容有斜勾側刺之象。特不能起於空際。而見之耳。然其所生之氣。有吉有凶。吉者什之一。而凶者什之九。易曰。吉凶悔吝。吉僅居一。而凶悔吝居其三。天道人事。固相類也。如此。但其珥珥冠纓之象。其中有濃淡厚薄淺深之分。則其所呈之光。遂有青赤黃紫雜變之色。其最易辨者。黑白二色。白為雲氣之常。黑為雨氣之兆。兩者彼此相映。惟白可以化黑。而黑

亦○能○化○白○此○為○一○定○之○色○若○日○光○所○射○映○為○各○色○者○由○雲○氣○之○交○
行○於○空○中○有○此○質○而○日○光○映○之○以○成○如○雲○中○漏○隙○之○處○日○光○下○射○
則○成○數○百○丈○之○氣○形○如○魚○鬚○下○豎○上○銳○下○散○若○雲○氣○密○則○雲○之○層○
數○有○厚○薄○愈○密○而○光○愈○顯○其○或○稍○淡○者○雲○之○層○數○多○上○參○差○不○齊○
一○二○層○而○下○其○映○日○之○初○層○如○隔○糊○絹○然○是○以○其○色○漸○不○及○薄○雲○
處○之○鮮○耳○凡○雲○體○深○穠○則○所○見○之○色○必○深○而○黑○及○稍○薄○處○則○黑○變○
而○為○青○色○非○黑○之○變○乃○薄○氣○之○所○成○又○或○稍○薄○則○其○色○必○依○稀○之○
綠○而○帶○紅○矣○若○再○薄○甚○則○斜○映○於○天○者○必○青○綠○色○斜○映○於○日○者○又○
淺○紅○色○若○近○日○止○有○一○層○之○厚○雲○則○為○色○必○黃○且○紅○鮮○明○晃○也○此○

雲所成之色。此方人見之如此。離數百里外人。在此雲之外者。則必不見。故占曰。其下當如何吉凶。而以分野辨之。有兵無兵。驗之職。此故耳。若夫虹有赤白黑青之色。雨後之虹。乃日光為雨氣所化。此只占晴雨。惟長虹貫日。竟天之虹。乃雲氣之變。以占吉凶。蓋晴雨之虹。為弧象。此則直而長耳。至如暈之圓象。其半徑必二十二度半。其空暈中。亦有層次。而人不見。其最低在空中者。亦有三百六十餘里。而最高者。即照二十二度半之數。以勾股計之。然一暈耳。固不必如此深測。且人目力不能上視。則第以暈占之可也。知此。則剋繆瑛經皆氣之大小厚薄所成。又可類推矣。

日祥光

凡日有重光者有封禪之慶。人主德政善則日精明。光彩異常。五色燭耀。重光外一重色赤。君臣有道則日中含王字。有聖人起則日再中。君聖臣賢天下順心。則日氣如龍鳳龜鶴形。環抱日旁。黃氣潤明。浮於日上。主國中有喜。黃雲守日而立。則外國入貢。青雲帶潤。見於日之西北。國舉賢良。日有二彗。一年兩赦。日有四彗。則人君有德。天下大豐。日有四珥。天子有子孫之慶。或立侯王。朱子曰。福祿並見。抱珥重光。若日旁重抱兩珥。人主有喜。一抱兩珥。下有黃氣。生太子有喜。日暈再重。人君有喜。日暈四抱。天子有喜。日重暈暈。

有珥亦主天子有喜。

日珥冠纓背映暈抱等例

凡日旁或左右或上下四旁之氣帶青赤色圓而小者為珥。若青赤氣交曲於日之左右者為紐。形直在日之上而微起者則為戴。若氣戴赤色如半暈狀在日上彎而如負者為負。青赤氣抱在日上而小者為冠。雲氣形如背肢其形如山字者則為映。青赤氣小在日下而向上者曰纓。青赤氣橫於日之上下者為格。雲赤而曲在日旁則為提。珥有沒珥四珥之分。映有正映背映之別。若氣交穿於日謂之交氣。若氣直而貫日則謂之虹氣。圓而圍日者曰暈。

不圓而或半。或兩半相環者。曰半暈。向日抱者。曰珥。背日外向者。曰背珥。圓而疊交者。曰交暈。背而反見者。曰背暈。一重二重三重。以至七重者。俱謂之重暈。兩相交連環如套者。曰連環暈。太平之日。各以國事類占。兵興之日。則以用軍類占。不論太平兵興之日。凡屬風雨者。則俱各以風雨為占。其珥珠者。占見各本此不載。

論太陰之常

日行疾。月行遲。前已論其理矣。乃人猶疑之。謂日行一度。月行十二度有奇。此執曆家之易於推算而云然也。試觀初一日月合朔之後。次日之日輪已西。而月必在後。至初四、五、日輪已西。浹而月

鈞始見於西方。則月追日不及。漸積漸遠。月行之不及日。亦易見之理也。然論月又與太陽同論。而月之行度遲速。始為有準。夫日君象也。月后道也。魄借日光而生。則晦朔弦望之理。總於太陽推之。試以每月之初一日論。月與日合朔。故卯時同太陽出。而酉時同太陽沒。但月每日不及日行十二度有奇。故初二日與日雖離而未遠。至二日半。則離日三十度有奇。至初三日。太陽到辰。而月於月時出。至戌時沒。及初四日。又少離遠。而出沒畧不同。初五日。至初七日。已離二宮。計六十度有奇。故太陽行至巳。而月於巳時出。亥時沒。初八日至初九日。又離一宮。太陽行至午。而月於午時

出子時沒初十日。至十一日。計離四宮一百二十度。少月至上弦。
出寅時沒。至十五日。與十六十七日。離六宮一百八十度。與日東。
西對望。望在九。故太陽西沒於酉。而月東升於酉。東西相望。太陽
東出於卯。而月西沉於卯。亦東西相望也。自十八日至十九日。月
又不及於日。此時月行漸疾。出以戌時而沒辰。二十日至二十二
日出以亥時而沒己。二十三日。至二十四日。月所全之光。其所留
者下。半故曰下弦。以子時出而午時沒。二十五日至二十七日。以
丑時出而未時沒。二十八日至二十九日。寅時出而申時沒。月大

至三十日。又行度與太陽相近。而全魄之光已盡。其出沒又與朔同。若月小。則行度以日較遲疾。而合朔有早晚。故上弦有初八。亦有初九者。此也。知此。則月離日之度。與天行之度。推測可知。凡黃白之交度。赤白之交宿。赤道之交度。白道之宿次。以及二百四十

九交。如法求之。鮮不當矣。

論日食與月食不同

日之食。由於月行黃道。而為所掩。月之食。由月入於闇虛之內。而日光不及。照前已言其畧矣。而未及其所以食之理。及食之分數也。乃日食又與月食不同。其理亦自有說。蓋月在第一重天之所。

日○高○於○月○之○天○四○重○日○輪○大○於○月○因○高○於○月○故○人○見○月○之○大○同○於○
日○遇○朔○日○月○與○日○南○北○同○經○東○西○同○緯○月○輪○正○過○日○輪○之○下○而○掩○
日○之○光○故○日○為○之○食○但○人○在○地○上○四○方○所○處○之○地○不○同○故○見○所○食○
之○分○數○亦○不○同○或○此○處○見○食○而○彼○處○見○不○食○或○彼○處○見○全○食○而○此○
處○見○半○食○或○幾○分○食○幾○秒○食○由○所○居○之○地○不○同○而○目○之○見○食○者○各○
異○總○之○正○在○月○輪○之○下○者○見○全○食○以○月○全○掩○於○日○也○若○所○居○之○地○
稍○偏○於○月○輪○之○下○則○斜○見○月○於○日○故○或○半○食○又○或○數○分○數○秒○食○若○
過○此○而○所○處○之○地○在○月○輪○之○外○則○日○不○食○矣○以○月○輪○全○不○對○日○輪○
之○故○也○此○所○處○之○地○有○正○有○偏○高○卑○遠○近○之○不○同○故○見○所○食○之○分

數有食有不食各異如此。若月食則不然。日止行黃道一路。月之行則有黃道南北各度。故月行至望日。月與日正對。地在天之中。夾日由西照。即有景射東。日若照東。即有景射西。日輪既常在黃道上。至望日。而月亦在黃道上。與日正對。則闇虛障隔于日月之間。月輸入於闇虛之內。則太陽之光不及照。而月為之食矣。對一分。則食一分。不對者不食。對多者多食。全對則全食。又月漸出於闇虛之外。受日之所照。而後其光漸復也。乃日止有食。既而月於食既之後。又有食甚者。何也。日大於月。過盡則日光見。故食既則生光。復明。若月則小於日。既已食盡。猶未離闇虛之影。故食既

三
之。後。又。有。食。甚。久。而。出。閭。虛。之。外。乃。可。生。光。故。又。與。日。之。食。既。不。同。也。

論每朔不常食之理

日食由月掩其光。每月皆有朔。每朔日月同度。宜乎常食。而有不食者何也。蓋日止行黃道一路。月於黃道。有時在黃道之南。有時在黃道之北。南北兩交。朔日在兩交之外。與日經緯不同度。則彼此各別。月不正過日輪之下。故不常食也。若遇月朔。南北之經度既同。東西之緯度又同。則適在兩交之上。故月能掩日之光。而為日食。然經緯之分数。自人見之不同。而分数亦異。不若月食之分。

秒○大○地○之○人○萬○目○如○一○無○彼○此○遠○近○高○下○之○殊○也○

論日高於月之理

人○在○地○面○視○日○之○大○與○月○之○大○等○耳○而○日○在○第○四○層○天○月○在○第○一○層○天○月○下○於○日○四○層○則○日○大○於○月○多○矣○何○以○驗○之○以○表○影○驗○之○如○立○一○表○於○此○測○日○輪○離○地○高○五○十○度○月○輪○亦○離○地○高○五○十○度○宜○乎○日○之○表○影○與○月○之○表○影○同○也○然○日○之○表○影○必○短○於○月○而○月○之○表○影○必○長○於○日○則○此○短○者○其○高○可○知○已○由○短○較○長○以○分○數○計○之○則○知○日○高○於○月○若○于○即○大○於○月○若○于○確○不○可○誣○也○由○此○而○測○金○水○二○星○及○日○上○之○木○火○土○三○星○其○高○與○大○之○分○數○可○類○推○矣○

論太陽出入及中天大小遠近之理

太陽東升西入之時。人見其日體甚大。近海者見日如車輪。漸升漸高。則小。至天中之頂。則又小矣。此其故。昔人固嘗言之。而終未明其所以然也。列子曰。孔子東遊。見二小兒辨閒。問其故。一小兒曰。我以日始出。去人近。而日中時遠。一小兒曰。我以日初出遠。而日中時近。其言初出近者。曰。日初出大如車蓋。及其日中。終如盤盂。豈非遠者小。近者大乎。其言初出遠者。曰。日初時滄涼。及其中時。熱如湯。此不為近者熱。遠者涼乎。二孺子之言。各有所見也。關子陽以為日之去人。上方遠而四旁近。何以知之。星宿時


出東方其間甚疎。相離大餘。及夜半在上方視之。甚數。相離一二尺。以準度望之。愈明。故知天上之遠於旁也。日為天陽。火為地陽。地陽上升。天陽下降。今置火於地。從旁與上。診其熱。從旁與上。遠近殊不同。為日中正在上。覆蓋人。當天陽之衝。故熱於始出時。又新從太陰中來。故涼於其西。在桑榆間也。桓君山曰。子陽之言。豈其然乎。張衡靈憲曰。日之薄地。聞其明也。由聞視明。無所屈。是以望之若大。方其中天地同明。還自奪。故望之若小。火當夜而揚光。在晝則不明也。晉束皙又以為倚方與上方等。傍視則天體存於側。故日出時視日大。日無大小。而所存者有伸歛。而形

小伸而體大理也。又日始出時色白者雖大不甚始出色赤者其
大則甚此終以人目之惑無遠近也。且夫置器廣庭則函牛之鼎
如釜堂崇千仞則八尺之人猶短物有陵之非形異也。夫物有感
心形有亂目故仰浮雲以觀月常動而月雲不移乘船以涉水
水去而船不徙矣安度則曰天陽下降日下熱諸說紛紜無定
見至索解不得而紫陽氏曰必有真人乘龍凌虛出倒影之上崑
崙之外而後可訂其是非噫真人不可得而遂以六合之外存而
不論乎蓋地之在天中央其去東西南北稍乎其週數以勾股之
法論之凡九萬餘里人在地面或居東視西或居南視西居北視

東西各隨其方之所視。日初出時其光始升。始大之。炎上側望之。而大體全現。故見日之體大。日既落則其光下燭。而日體亦全現。故其體亦見。為大。若日升至中天。則日輪高於地四萬里。較四隅相望已遠。且日正當空。光輝四射。懸於最高之空際。從四面空濶上視。故共見其小也。若以東視西。以西視東。南北之視東西。已有遠近之別。豈若日懸天頂。同此四萬里之仰視哉。至於始出之日。自重陰中出。如火氣初炎。故初出清涼。已西將入之際。日氣下射。又入陰中。地形相隔。故亦陰涼。其大性類然也。日中則火正熾。故日氣蒸熱。亦理之自然。有時晨夕日色赤。而中時色白者。蓋其初

三才圖會
出時有遊氣以掩映日光不眩人目故色赤而大若無遊氣則白
色雖日中時若有遊氣蒙四合即中時色亦赤四時皆然其理
固如是也今以四觀日之法為圖於後

日出入
東西並
南北分
四極較
遠近度
之圖



卷之四十一號

如上圖。日初出東。居中者望之。以四隅九萬里。為劈分之數。不過二萬餘里。自南居者望之。不過三萬餘里。北居者亦三萬餘里耳。以中處其者。望其弦南北二處。望其勾而股處者。又可知也。惟日出居西者之望東。與日入居東之望西。其勢稍遠。然亦屬地面平看。故俱見其大耳。其日入之時。居中居南居北者。其理亦同。於初出之時。惟光騰上。與光下射為少異耳。若日之正中。則東西南北中五方之見。既同。且日輪高在四層天。已四萬餘里。則視日已遠。故日體愈小。理本易明。觀圖說而可知矣。

三才實義

卷之五目錄

天集

論恒星緯星

論中星古今不同

論昏旦中星

論五星之色

論金水二星在日下

水火土在日上各不同

論金星先分大小

論五緯凌犯

論星有伏現

論日月五緯會聚合伏凌犯掩食名義

論星有留守順逆諸義

論五緯經天

論七曜衝照

論節氣閏月俱在太陽

論四餘

論北極出地直省所見各異

星名座數論

三才實義 卷之五

江寧後學周于漆萬峯著

天集

論恒星緯星

日月在天萬古不易。若星則有三垣列宿五星之不同。如三垣與二十八宿之星。隨天而轉。其行度雖四時各異。然部位亦萬古不改。謂之恒星。以其古今不變之星也。若金木水火土五星。則各有所行之道。如日行黃道。月行交度。五星有傍日行者。有離日行者。其度雖黃道之度。而不與三垣列宿之星同行。昔人謂之緯星。譬

三
之奕棋然。恒星如樞杵五星如行碁。則分經分緯各不同也。古人
於是立一赤道以象天體。終古不變。又立一黃道以辨別赤道之
分界。凡日月五星又各循其躔度而布算之。以赤道定天之南北。
以黃道稽日月之躔次。五星之行度。黃赤二道之經緯。瞭然目前。
是赤道為定規。黃道為轉圓。黃道與赤道二者相較。則凡躔次交
食會合凌犯莫不由之而測矣。其所云經緯者。如局之有縱有橫。
地之有袤有廣。左右前後辨方別位。恒星既定七曜之行。隨其本
性以為推遷。故曆家縱度橫度之法生焉。但黃道經行。惟日躔易
見。其理易明。而赤道之經緯。則紛紜繁浩。至若黃道之緯度。則考

之上古時遠代湮其起法難定。即更改亦難於立法。使非因時測
定。番驗將來未易也。夫星者天之精。次於日。大小不齊。鄒子曰。
少陽為星。元氣之英。上聚為星。神守精存。則麗而明。神歇精散。則
隕為石。常明者百二十四。可名者三百二十。為星二千五百有奇。
微星萬有一千五百二十。自羲和承堯命。考中星以定四時。其法
簡而無稽。五星古未有測候。惟曰撫於五辰而已。至甘石巫咸三
家出。始有紫宮中外諸星及五星之說。三垣二十八宿宮次分野
占驗。以修人事。謹天變。後人日加增益。考驗詳密。然於微細隱約
之星。及日所未見之星。猶闕而未備。即在部位有名者。其形象茫

三
昧依稀尚有難見之疑。如天田、六甲、天柱、天床之類。至於八魁、天廟、器府等星，了不可見。其外微星隱隱無名，夏多冬少，故古人以為萬物消息之應，是又存而不論者也。

論中星古今不同

堯典載四仲月論中星。春分曰日中，夏至曰日永，秋分曰宵中，冬至曰日短。其所指之星，鳥星、火星、虛星、昴星，則皆指四仲之一昏旦而言。夫四時節氣各有昏旦，細分之則日俱有昏旦。堯典言其大畧，而法制未詳。三代以來，日躔已與堯時不同，則中星隨時變易。漢唐宋至今，日躔又與前異，則執星、鳥星、火星之說以論中星，失

之遠矣。月令一書似可爲準。然月令謂孟春昏參中而三統曆則立春昏畢十度。元嘉曆則立春昏昴九度。餘月昏旦亦各不同。是月令與後代之曆不同也。况堯時日躔虛度冬至今則入箕度矣。四千餘年已差三宮而欲以古法測今日之中星可乎。蓋昏旦中星必依本方時刻。地有高低則昏旦各有時刻分秒。欲求各省直節氣昏旦中星必先求日出入之昏旦時刻。日出入之時刻既定則恒星昏旦出沒隨節氣之中星時刻乃可推測。子午分中而各星南北之度自定。則居今考古日差節氣可坐而定矣。

論昏旦中星

昏旦因節氣不同。須先定地之正子午。求北極出地之高度若干。則分數既定。而後昏旦之中星不喪也。試以京師言之。北極出地凡四十度。即以二月中氣春分論。昏在戌初二刻。旦在寅正一刻。春分之中星。當是井宿北河星。其旦中之星。則尾宿之第一星也。各省北極出地不同。則昏刻亦異。京師既定。則各省高下有一定之方。日出入有可驗之景。為昏為旦。可按方而算。如江南北極出地三十二度。半山東北極出地三十七度。山西北極出地三十八度。陝西北極出地三十六度。河南北極出地三十五度。浙江北極出地三十度。江西北極出地二十九度。湖廣北極出地三十一度。

四川北極出地二十九度。廣東北極出地二十三度。福建北極出地二十六度。廣西北極出地二十五度。雲南北極出地二十二度。貴州北極出地二十四度。今以輿地高下定之。每二百九十餘里。即差一度。一省之中。又各有分數。之不齊。則中星亦稍移動。是在神明之人之變通也。

論五星之色

月體為魄。借日為光。而五緯之星亦然。但月去地萬里。日在上。所照之光。有上面。有下面。故有晦朔弦望之異。有側面。半面之分。若五緯推金水下於日。而火木土三星高於日。故西學謂金星亦如

月有光有魄。理或有之。五星皆借日為光。而各成光色者。本質不同也。金白水黑火赤木青土黃。雖同受太陽之光。而本質所發之光。各從其類者。則本體之質所發異也。水火土三星在日上。日光上映為成光。日既入而地影不能隔。故星有常明。譬室中一火爐於爐之空際。以物覆之。其室上仍有火光。四達照於屋上。非物之所能掩也。其星光在上時。或芒現光顫者。蓋芒為光盛之象。如立春水旺入夏火旺之類。反是則休囚變異矣。其顫動者。因光體閃爍如燈燭。騰焰之搖顫。或為空中飄風浮氣游移而現之象。果其本體所發之光動搖顫跳。則占若飄風浮氣。則或動或定。時隱時

現此風氣所成。人目所眩。須辨之。

論金水二星在日下

星之在天。有。高。有。下。前論詳矣。金水二星。何以知其。在。日。下。也。蓋。金。水。二。星。輔。日。而。行。水。星。左。右。距。日。二。十。餘。度。金。星。左。右。距。日。四。十。餘。度。則。水。星。小。於。金。星。可。知。也。且。太。白。之。行。約。二。十。月。而。一。周。水。星。之。行。約。四。月。而。一。周。是。金。星。遲。於。歲。水。星。之。行。則。知。其。軌。道。必。大。矣。金。大。於。水。故。在。水。星。之。上。至。於。太。陽。之。大。比。金。星。不。啻。數。倍。水。星。又。不。及。金。星。均。在。日。下。也。夫。二。星。既。在。日。下。乃。月。能。蝕。日。而。金。水。與。日。同。度。何。以。不。能。蝕。日。耶。蓋。月。體。大。疊。交。日。下。故。日。為。

三
之。蝕。若。金。水。二。星。皆。小。於。日。其。過。處。在。太。陽。體。中。止。一。點。故。日。不。覺。其。蝕。嘗。考。元。和。二。年。戊。子。五。月。朔。水。星。在。日。輪。下。如。黑。點。過。日。輪。西。可。見。日。大。金。水。小。而。在。日。下。之。証。也。昔。人。有。云。金。星。在。日。度。上。則。受。日。光。而。明。大。金。星。在。日。下。則。日。光。不。透。而。金。星。不。明。亦。有。晦。朔。弦。望。之。別。其。此。之。謂。與。

水。火。土。三。星。在。日。上。各。不。同。

金。水。二。星。在。日。下。若。大。星。木。星。土。星。雖。在。日。上。而。各。有。不。同。當。知。其。所。以。異。之。故。夫。三。星。惟。火。星。最。難。明。有。時。與。太。陽。衝。其。視。差。似。大。於。日。之。視。差。其。星。體。亦。大。究。之。早。於。太。陽。以。日。在。高。度。火。在。衝。

際見其大耳。若太陽在卑度，則大星之視差小於日之視差。其星體亦小，究之實高於太陽。此火星所以難測也。至若水星在大土之間，視差常小於日。其在日午無疑。土星視差亦小於日。然三十年一周天。昔人謂遲行者必在上，亦億度之詞。若論水星之視差，與太陽較論，則土星之視差又高於木。可歷指也。史記載世宗大定十年八月，水星掩火於參畢間。又似火在水上。此又火行卑度側視之故。若所紀唐肅宗至德二年八月，金星掩木於鶉火。孝武寧康二年十一月，金星掩火星，則又五緯之正度也。

論金星光分大小

金星在西將伏東初出之時每見其體之光似小若於西初見東
將伏之時每見其光之盛何也蓋金星以太陽為光亦如月之借
日以為光而有弦望之分也如人目在太陽中際金星斜向在下
則無光若金星升高日在中際則金星光滿又如人目在太陽中
際金星或左或右則左右向日者各有半光半光之所發見其小
非小也半也光滿之所發見其大非大也全也不見者即伏非金
星之不在天也光不見也然時或光芒銳發則為金星之變古人
以之立占又云金乘秋而王四季為相此論金星於五行之說而
其實理不外太陽之遠近所致也總之太白輔日而行在高度則

光盛在卑度則伏而不見。在平行之左右則有光而不盛。亦如太陰之有晦朔弦望特其軀小於月。故人目之所見莫辨其所以然耳。金星凡在逆行逆行之際其形軀似易見其光必不盛者近故也。

論五緯凌犯

自昔曆家有五星伏見會合之說。或詳或畧。乃世人援古証今。著為災祥之應。說者又謂諸星紛布會合。皆不得不然。初無凌犯變異之可言。如是。然則日月交食亦交所不得不交。食所不得不食。又何必謹天變。奏鼓警戎哉。蓋天地惟陰陽二氣。絪縕布化。五行

推遷而氣運以之立。人事由之起。消長吉凶。天人相應。理之固然。若五緯星精。即五行正行。精光所聚。其間會合。伏見凌犯乘承。是氣運人事之所以推遷大者。閏國家之庶政。小而占歲。廢醫。雨暘孽孽。無不由五緯順逆之序。以為推論。如秋謂紛布之常。不知警惕。是亦天變不足畏之說矣。夫天有七政。日月之行。有遲速交會。五星有順逆喜怒之情。值其會者。為陰陽之懋伏。人道之災祥。難行乎其自然。而其所以然之故。即天人之理也。安得置之不論哉。

論星有伏見

太陽行度有金水二星從之。然二星有伏有見。則由其躔之大小。

行之遲速也。如金星體大。近日亦見。若體之小者。必距太陽遠。始見。稍近則伏矣。土星極高。一十一度則見。水星十度。火星與水星十一度半。金星五度則已見。若恒星。必十度十二度。以至十七度。其最小者。必日晝沒乃見。恒星之大者。雖近日。向夕亦可見也。又如金星在亥日。躔在子。太陽高五度。則金星可夕見。而前一日之晨。已可見。察理者。必先求太陽升降之躔度。與對度掩光不掩光之分別。始知合伏之理耳。至如處地勢之高。視南下之星多。不可見。如老人星下。有孔雀十字等星。則又身地之所處。目所不及。非太陽遠近之故矣。

論日月五緯會聚合伏凌犯掩食名義

七政各有行度。則各有同行之度。如月之於日。會於朔。則日合朔。此日月同在黃道上行也。合朔亦曰會朔。星於星相聚於同宮同宿。則曰聚。如五星聚奎。五星聚井之類。又或三星四星相聚。亦曰聚。若星於星相近。曰合。如金合水。火合土之類。合內即兼凌犯之義矣。星於太陽之前。不見曰伏。蓋光大掩星。臣不敢敵君也。伏不獨金水二星。五緯皆然。而金水從日。其伏尤多耳。星於星二星相逼近。日凌二星相距七寸以內。光芒相及。曰犯。時亦有星與月逼近。亦曰犯。日月在上。星在下。或月在前。星在後。及左右。則不曰犯。

而日○隨○從○也○經緯同度○在日月曰交食○星在太陰度內○月掩星曰
月蝕○星見月中曰星蝕○月星在星一度○如金火同行○金掩火亦
曰掩○但火不能掩金○以火在金上耳○五緯之義相同○然凌有似於
侵○以大進小曰侵○上逼下僭之象○乘上而下曰凌○光芒相及曰犯
若光芒上大○倒行反芒向上○謂之反羽○又如金水木三星連度○金
星光芒犯木○本不及水○又因水星之光○接引以犯及水○謂之接犯
若光芒不犯止○謂之同光○至若芒又與角辨○芒者先生鋒芒刺本
大末銳角則光之鋒長大於芒角○與芒相似而辨在長短○掩又與
吞薄不同○直抵而全蔽之○使其不見曰掩○若從上直下而掩則曰

三才圖會 卷之五
若從下而接上曰薄又不同也。

論星有留守順逆諸義

凡星之行度除恒星位次有定外五緯有行疾行遲則必留者不東亦不西定而不移也來至某度居其傍而守之曰守居之不去亦曰守；有久暫或二三十日或四五十日多或三月與居相類而實不同居者處其所也行所當行曰居順度而不去亦曰居其宿分又曰舍石氏星經曰行度以居曰舍入宿為宿留二十日以上亦曰宿左去而右回右去而左回如勾字形曰鉤往而復又往如已字形曰已環繞一周曰環若環之而不周一匝曰

繞星由其中。或在前經過而無所犯。曰經。星有三五布列。而一星直經其中。曰貫。此星自某星部位而出。則謂之出。又未當去而去。亦曰出。自他處忽移入此處。曰入。未當來而來。亦曰入。流星自某處流入此星內而不見。曰沒。凡五緯東行為順。西行為逆。又和順為順。違逆為逆。遲疾次第相及於一處。曰從。行隨其沒。亦曰從。同宿共度。而南北乖隔。不和。曰離。同在宿分。而移避相背。又曰背。依次順常。無芒角動搖之象。則曰喜。芒生周匝。不依歷次。急躍反常。或明而不潤。曰怒。光芒閃爍。搖不定。形類燥急。又如欲墜之狀。曰搖。一動一靜。而動者至其所。曰抵。兩俱動。兩動直能。曰觸。若

兩星往來相觸。謂之觸。駕御整伏。謂之乘。循常行之道。多少不同。謂之失次。亦曰失行。

論五緯經天

五緯各有行度。如水火土三星行遲。夜半經天。其始皆與日合度。而後順行漸遲。追日不及。晨見東方。行稍速。朝時近中。則番經旦。過中則逆行。逆行至夕時近中。則又番。而又順光。遲漸速。以至於夕伏西方。更與日合。若金水二星。則行速而不經天。自初與日合之後。行速而先日。夕見西方。去日稍遠。夕時近南方。則漸遲。極則留。而近日。則又逆行而合日。在於日後。晨見東方。逆極則

留。後遲極去日稍遠。旦時近南方。則速行以追日。晨伏於東方。
復與日合。此五星伏見遲速逆順行次之槩也。夫昏旦者。陰陽之
大分。南方者。太陽之正位。天地之大經。六曜至陽位。當天之經。則
虧昴留逆。而不敢居此。天地之常道。故三星經天。二星不經天。參
天而地之道也。金水二星不經天。經天則為變。蓋太白東行。不遇
巳。西行。不遇未。東方行。逆至巳。陽地也。出西方。順至未。陰地也。過
午。謂之經天。去日六十五度外。謂之經天。在六十五度內。謂之晝。
見太白主兵。水星經天。則不佳主兵。以水象也。

論七曜衝照

日月五星各依經緯而行其相距周天之度有一半平分者則一百八十二度四分度之二也故月與日對而光滿為望若經緯之度俱正對則閏虛中隔而月蝕矣五星惟木火土三星皆能與日對照亦能各相對照若金水二星不離日之左右故與日不對照亦不相照如相距九十度零則周天度四之一月距日謂之上弦下弦諸星相距名之曰三方照如相距一百二十度零則周天度三之一謂之四隅照如相距六十度零則周天度六之一亦謂之六合照日月各有常行五曜各有性情其中喜怒哀勝和損益皆有精微之理存乎其間天道運行於上而有四時寒暑水旱豐

歎之數。人事應於下。而有災祥吉凶之分。毫不與也。

論節氣閏月俱在太陽

節氣凡十五日有奇。乃平分一歲二十四分之一分也。若論其理。則本於太陽之度。周天三百六十五度四分度之一。作二十四分。分之各得一十五度零。太陽行十五度有零。有盈有縮。如夏月則十五日十九時零。冬月則十四日十六時零。冬夏日數盈縮不同。故節氣之數。參差不一。皆太陽之行度不同所致也。又如閏月。以無中氣之月為閏月。蓋十二宮為一年。十二月每月各有宮。次若太陽未入宮。如冬至在丑宮。為十一月之中氣。大寒在子宮。為十

二月之中氣則一月之中積太陽無入宮次是之謂間也。總之夏月多冬月少夏至約三十一日行一宮冬至約二十九日三十六刻行一宮。此太陽之定法而合朔之法俱由此生。故曰節氣置閏俱在太陽也。

論四餘

日月金木水火土曰七政。七政之外有四餘。合之七政曰十一曜。陰陽家以此推人祿命術家奉之。雖其理自存而不達其所以然之故。或又謂四餘中無炁星亦有辨說而終不破疑。試即舊說論之。謂羅生於天首計生於天尾。孛生於月。炁生於閏。皆有度數而

無光象亦無伏順留遲。又謂羅睺大之餘計都土之餘計都與羅
睺對逆行於天逢日月則食。夫羅計既為天之首尾則與日月論
交豈逢日月便食乎。又謂紫炁為木之餘紫炁即景星狀如半月
生於晦朔。夫景星為不常有之星與紫炁不同。不得即以景星為
紫炁也。字為水之餘在天亦無象。字之行數即月行之數。又謂五
星皆視日以為隱伏遲疾。惟羅計炁字則隨乎月皆未及詳其所
以然也。蓋羅睺計都其名皆出於梵語耳。究之羅計即黃道與白
道相遇兩交之處所為正交中交亦名天首天尾所謂字者乃月
行最遲之名。月在最高度故極遲。若在最早度則極疾。今人誤以

為彗字之字。則失之遠矣。至若紫炁一說。謂起於周法。約二十八
年而周天。授時曆以十一日八十七分五十三秒八十四毫為一
歲之間。紫炁則一歲行十三度五分四秒零兩數比。乃加二之算。
二十八年十間。紫炁行十二宮。亦加之算。或又謂不屬太陽五緯。
與太陰之行度亦不相間。無所止。且云二十七年十間。非二十有
八。氣朔盈虛於此無與。遂以為妄作。考之四餘曆。自漢太初以來。
至授時曆。亦不甚著。唐人傳之者。惟曆官陳玄景及一行。而李淳
風止作月字法。五代王朴作欽天曆。以羅計為蝕神首尾。紫炁亦
無專論。後都賴有掌斯經。婆羅門李弼乾作十一曜星行曆。各有

所見太約曆法之中不可不知其故而實與人不甚相切以之為
祿命推測尤不經也亦姑存其名而已

論北極三十六度非直省同見之度

論星以北極為樞中外之星視之為距星以驗度之遠近巫咸甘

石作為圖法以教後人遂相傳有北極出地三十六度南極入地

三十六度之說觀者不察遂以三十六度天下皆然而不知甘石

所論之度乃嵩高之地所見之北極而非各直省所見之皆然也

蓋兩極出入因地各異若順天則北極已高四十度江浙閩廣黔

滇楚晉隨處不同而限以三十六度其未之察也古者統一星圖

則尺幅有限。北極以下可見之星。圖於幅內。而南極以下不能圖。即秋夜一二日見南極一星。而南極以下之星則隱於天外。而欲盡之於一圖也。能乎不能乎。是惟定赤道之天。將赤道以南。知為一圖。赤道以北。為一圖。凡春夏所見之星。與秋冬所見之星。及常不見之星。俱可指掌以觀。則各省直得見之星。無不備矣。又於北極各分直省度數。使人知遠近高下。因地異形。庶幾不至差繆。不然得之經緯失之形象。得之形象失之經緯。昔人有言之者。而況四域之大。尚有耳目足跡之所不及者乎。

星名座數論

天文志曰。在野象物。在朝象人。在人象神。以其神差有五列焉。是為三十五名。一居中央。謂之北斗。四布於方各七。為二十八舍。日月運行。歷示吉凶。五緯躔次。用告禍福。中外之官。常明者百有二十四。可名者三百二十。為星二千五百。微星萬有一千五百二十。晉太史令陳卓。總甘石巫咸三家星圖。凡二百八十三官。千四百六十四星。後王應電。作為二百八十三座。為星一千四百六十五。弘治時楊子器。跋云。二百八十三座。凡一千五百六十五星。則誤多一百矣。蓋三垣共三百三十八。列宿共一千一百二十六。然諸星之說。各家微有不同。有以二三十星為一座者。有比附者。有相

比而不附者如杠之附華蓋。衡柱之附庫樓。矢以附弦。白不以附
杵。鉞不附井耳。不附畢。糠不附箕。長沙之不附軫。鈎鈐鍵閉之不
附房。野雞精之不附軍市。南門之不附庫樓。積水不附天船。積尸
不附大陵。天譏不附卷舌。咸池天潢三注。不附五車。甘石二家各
有其辨。不可不知也。